

2014KO PENTEKOSTE JAIETAN, SAN MARTIN PLAZAN UDALAK JARRIKO DUEN TXOSNAREN USTIAKETAREN ADJUDIKAZIOA ARAUTUKO DUEN BALDINTZA-PLEGUA

LEHENENGOA.- 2014ko ekainaren 6, 7, 8, 9 eta 10ean San Martin Agirre plazan txosna bat jarriko du Udalak. Interesdunek txosna ustiatzeko eskaera egin ahal izango dute.

BIGARRENA.- Baimena jaso dezake lurzoru publikoan txosna ustiatzeko interesa izan eta Bergarakoa den edozein elkarte, entitate edo taldek (irabazi-asmorik gabeko taldea bada).

HIRUGARRENA.- Interesatuak instantzia baten bidez aurkeztu behar dute eskaera, taldeak edo elkarteak izendatutako ordezkariak izenpetua, honek ordezkatuko baitu taldea Udalaren aurrean. Entitate, elkarte edo taldea, adinez txikiak direnek osatzen badute gehiengoz, hauen ordezkari legalak, honetarako izendatutako ahalmen osoa duen pertsonak, aurkeztu beharko du eskaera. Halako akordiorik ziurtatu ezean, txosnaren jardueraren erantzukizun osoa eta baldintzak betetzearen erantzukizuna eskatzaileak bere gain hartzen dituela ulertuko da, gehienak adinez txikiak direnekin osatutako elkarte, entitate edo taldeen kasuetan ezik, non eskaera baztertu egingo da.

LAUGARRENA.- Instantziak aurkezteko epea **maiatzaren 23ko** 12:00etan bukatuko da.

BOSGARRENA.- Eskari bat baino gehiago balego, Udaletxeko Idazkaritzako bulegoan maiatzaren 23an bertan 12:30ean egingo da zozketa.

Eskaera aurkeztu dutenen artean egingo da zozketa; lehentasuna izango dute aurreko 2 urteetan Pentekoste jaietan San Martin plazan jarritako txosnaren adjudikazio-hartzaile izan ez diren taldeek, eta, horregatik, aurkeztu diren beste guztiak aterako dira eta atera ahala zerrenda egingo da.

SEIGARRENA.- Zozketan onuradun ateratakoek bere gain hartu beharko dituzte Bergarako jai nagusietan eta auzoetako jaietan txosnen instalakuntza arautzen duen Udal Erregelamenduan ezarritako betebeharrak guztiak (1993ko uztailaren 26ko Osoko Bilkuran onartua eta 1993ko abuztuaren 20ko G.A.O.n argitaratua, eta 1996ko martxoaren 4an Udal Osoko Bilkurak onartutako eta Gipuzkoako Aldizkari Ofizialean 1996ko apirilaren 2an argitaratutako aldaketarekin).

“Ekainaren 25eko 18/1998 Legean ezarritakoaren arabera, debekatuta dago 18 urtetik beherakoei edari alkoholikoak eta tabakoa saltzea, BERAZ, HORI BETE BEHARKO DA ETA HORRI BURUZKO KARTELA IKUSTEKO MODUKO TOKIAN JARRI BEHARKO DA.”

Jende aurrean lana egin behar dutenek euskaraz hitz egiten jakin beharko dute eta kartel eta antzekoak eta eman beharreko informazioa (prezioak...) euskara hutsean edo elebitan egingo da. Elebitan balitz, euskarari lehentasuna emanez egin beharko da.

Txosnaren adjudikazioa egin ondoren, adjudikazio-hartzaileak honako dokumentazio hau aurkeztu beharko du Idazkaritzan **ekainaren 2rako, astelehena, 12:00ak baino lehen:**

- 375€ko fidantza egiaztatzen duen agiria.

- Bergarako Pentekoste jaietan jarritako txosnaren jarduerak eragin ditzakeen arriskuak eta txosnak berak sortu ditzakeen arrisku eta kalteak babesteko, **Erantzukizun zibilaren poliza – 240.404,84€ko gutxieneko kapitalarekin– udalaren seguruan ez da sartzen** kontratatu izanaren agiria, eranskinean jasotako ereduari zorrotz jarraituz, aseguru-etxeak luzatuta.

Halaber, **ekainaren 2rako** 13:00ak baino lehen aurkeztu beharko dute ere:

- Gehiengoz adinez txikiak direnek osatzen duten talde edo entitateak txosna jartzeko baimena izan badu, aurkeztu beharko dute ere:
Eranskinean jasotako ereduari zehatz-mehatz jarraituz, ordezkari legalak sinatutako dokumentua. Bertan adieraziko du berak ordezkatzeko duen txosnan lan egiteko baimena duela eta instantzia aurkeztu duena ordezkari izendatu duela hirugarren baldintzan jasotako eraginetarako.
- Adjudikazio-hartzaileak ordezkari bat aurkeztu beharko du eta honen datuak.

Goian aipatutako dokumentazioa aurkezten ez bada, Udalak ez du baimenik emango eta ezin izango da instalazioa zabaldu.

ZAZPIGARRENA.- Hainbat adierazpen eta betebeharrak:

- a) Txosnak eramaten duen argindarraren instalazioa legalki egina dagoela egiaztatu nahian, Udalak egingo du instalazio osoa eta Udalak berak bereganatuko du ordainketa.
- b) Edateko ura eramateko lanen kostua ere Udalaren kontura izango da eta Udala arduratuko da egin beharreko lanak agintzearekin.
- c) Edalontzi berrerabilgarriekin egin beharko da lan, derrigorrez. Behar izanez gero Udalak badiu eta Kultur etxean jaso ahal izango dira. Garbiketa egin behar del aeta dagokion kostua ordaindu beharko da (kultura departamenduan emango da zenbatekoa den datua) eta bestalde bueltatu ez den edalontzi bakoitzeko euro 1 ordaindu beharko da.
- d) Sortzen diren hondakinak ongi sailkatuak biltzen direla ziurtatu beharko da. Horretarako zailtasun bereziak egon daitezkeela uste bada hondakinaren informazio bulegora jo daiteke. Bertan gidak, hiztegiak edo kartelak jaso daitezke hondakinak egoki sailkatzen laguntzeko.

Adjudikazio hartzailea arduratuko da betetako ontziak udalak antolatutako hondakinak jasotzeko guneetara jarritako ordutegian eramateaz. Bestelako eskaerarik ez badago Udalak organikorako 2 edukiontzi utziko ditu (120 litrokoak). Ontzi arinak, papera eta/edo beira sortuz gero, adjudikatzaile-hartzailearen ardura izango da ere dagokion edukiontzietara botatzea.

ZORTZIGARRENA.- Txosna **ekainak 5ean** egongo da jarrita eta ekainak 12an kenduko da, hortaz, **ekainaren 11rako guztiz** hustu beharko da.

Halaber, jaietan plaza giroten laguntzeko jartzen denez, txosna eranskinean jasotako ordutegian derrigorrez egon beharko da irekita.

BEDERATZIGARRENA.- Txosnaren ordezkaria kontsideratuko da eskaera aurkeztu duena, betiere **ekainaren 2rako** baino lehen, aurkeztu beharreko dokumentazioarekin batera, beste bat izendatu dutela adierazten ez bada. Ordezkari hau txosna jarrita dagoen egunetan lokalizatzeko moduan egongo da, eta honetarako harremanetarako telefono mugikor baten zenbakia emango du.